

Th. H. Bredenkamp

Albany

May 1921

891.99.

p. 95

19 NOV 2011

891 99
10 95
«ԺԱՄԱՆԱԿԱԿԻՑ» ՄԱՏԵԼԱԴԱՐ ԹԻԻ 36

ՅՈՒԼԶ. ԹՈՒՄԱՆԵԱՆ

ԱՆՈՒՇ

(ՊՕԷՄՍ.)

ԹՄԿԱԲԵՐԴԻ ԱՌՈՒՄԸ



Կ. ՊՈԼԻՍ

1921



Տպագրիչ - Հրատարակիչ Վ.Ա.Դ.ԻՆՍՏ.Ս. ԲԻԽՐԱՑ

36587-62

Ն Ա Ք Ե Ր Գ Ա Ն Զ

(Համբարձման գիշերը)

Բազմած լուսնի նուրբ շողերին,
Հովի թելին՝ թրուխուլ՝
Փէրինները սարի գլխին
Հաւաքւեցին գիշերով:

«Եկէ՛ք, քոյրե՛ր, սէգ սարերի
Զըրնաղագեղ ոգիներ,
Եկէ՛ք, ջահել սիրահարի
Սէրը ողբանք վաղամու:

Օխտն աղբիւրից ջուր է առել
Կոյս Սափորով, լուռ ու մունջ,
Օխտը ծաղկից ծաղիկ քաղել,
Կապել սիրոյ ծաղկեփունջ:

Զուրն ու ծաղիկ աստղունք դրել,
Խընդիրք արել աստղերին,
Փափագ սրբտով խընդիրք արել՝
Բարի ժըպտան իր սէրին...

Ափսո՛ս, Անո՛ւշ, սարի ծաղիկ,
Ափսո՛ս իգիթ՝ դու եարին,

Ափսոս բոլոր թելիկ-մելիկ,
Ափսոս էդ ծով աչքերին...»

Ու նրանց հետ ցող-արցունքով
Լըցւած սրբուհին ու աչեր՝
Սարի ծաղկունք տըխուր սիւզով
Հառաչեցին էն գիշեր:

«Վուշ-վո՛ւշ, Անո՛ւշ, վուշ-վո՛ւշ, բուրիկ,
Վո՛ւշ բու սէրին, բու եարին,
Վուշ-վո՛ւշ, Սարո՛, վուշ-վո՛ւշ իզի՛թ,
Վո՛ւշ բու սիրած սարերին...»

Եկէ՛ք, բոյրե՛ր, սէգ սարերի
Չրքնադագեղ ոգիներ...»
Ու փէրիններն այսպէս տըխուր
Երգում էին ողջ գիշեր:

Կանչում էին հըրաշալի
Հնչիւններով դիւթական,
Ու հէնց շողաց ցոլքն արեւի՝
Անտես, անհետ չըբացան:

Խոր սուզւեցին ակն աղբիւրի,
Մըտան կաղնին հաստաբուն,
Ու լեռնային վըտակների
Ալիքները պաղպաղուն:



I

Կանչում է կըրկին, կանչում անդադար.
Այն չըքնաղ երկրի կարօտը անքուն,
Ու՝ թեւերն անա փռւած տիրաբար՝
Թըռչում է հոգիս, թըռչում դէպի տուն:
Ուր որ հայրենի օջաղի առաջ
Վաղո՛ւց կարօտով ըսպասում են ինձ,
Ու ծըմբան երկար գիշերը նըստած՝
Խօսում են Լօռու հին-հին քաջերից:

Դէպ այն սարերը, որ վէս, վիթխարի,
Հարբած շարքերով բըռնած շուրջ պարի,
Հըսկայ շուրջ պարի բըռնած երկընքում,
Հըրհում են, ասես այն մեծ հարսանքում
Պերճ Արագածի նազելի դըստեր,
Որ Դեւ-Ալ, Դեւ-Բէթ եւ այլ հըսկաներ,
Խօլ-խօլ հըսկաներ հընոց աշխարհի,
Փախցըրին բերին անառիկ Լօռի: *)

II

Էյ հին ծանօթներ, էյ կանաչ սարեր,
Ահա ձեզ տեսայ ու միտըս ընկան,
Առաջըս եկան երջանիկ օրեր,
Սիրելի դէմքեր, որ հիմի չըկան:

(*) Առասպելն ասում էր Դեւ-Ալը (Դաւ-սարը),
Դեւ-Բէթը (Դերեղ գետը) եւ ուրիշ դեւեր՝ յափշտակել
են Արագածի աղջիկը, րենդ են Լօռի:

Անցել են, ոնց որ ծաղկունքը պէս-պէս,
 Որ անցած զարնան կային ձեր լանջում,
 Անցել ձեր գրչի հերան ձիւնի պէս,
 Բայց եկել եմ ես՝ նրանց եմ կանչում:
 Ողջո՛յն ձեզ, կեանքիս անդրանիկ յուշեր,
 Որբացած հոգիս ողջունում է ձեզ,
 Թրուչուն կարօտով փրկարում ձոր ու լեռ,
 Դիւթական ծալնով կանչում է հանդէս:
 Դո՛ւրս եկէք կըրկին շիրմից, խաւարից,
 Դո՛ւրս եկէք տեսնեմ, շօշափեմ, լրսեմ:
 Կեանքով շրնչեցէ՛ք, ապրեցէ՛ք նորից,
 Լըցրէ՛ք պօէտի հանդիպը վրսեմ...

III

Եւ մութ այրերից, մամուռ ժայռերի,
 Թաւուտ ծրմակի լրսին խորքերից
 Մանուկ հասակիս հրնչուն ծիծաղի
 Արծազանգն անա լրսում եմ նորից:
 Թընդում է զրւարթ աղմուկը բնի,
 Բարձրանում է ծուխն իմ ծանօթ ուրթից,
 Ու ըտրն անա նորից կենդանի
 Ելնում են աշխոյժ փաղորդեան մութից,
 Ու թարմ, ցօղապատ լեռների լանջում...
 Սո՛ւս... ականջ արա, - հովիւն է կանչում...

IV

— Աղջի՛, անաստեա՛ծ, նրստիր վըրանում,
 Ի՞նչ ես դուրս գալի, խելքամաղ անում,
 Աշուղ ես շինել, չեմ հանգըստանում,
 Խաղեր կապելով,
 Զօլեր չափելով,

Ոչխարս անտէր,
 Ընկել եմ հանդեր:
 Ամա՛ն, էրեցիր սիրտըս քու սիրով,
 Ոտըս կապեցիր թեւ-թեւ մազերով,
 Էլ չեմ դիմանալ կը փախցնեմ զօրով,
 Ա՛յ սարի աղջիկ,
 Ա՛յ սիրուն աղջիկ,
 Ա՛յ դու կարմրաթուշ
 Թուխամազ Անուշ:
 Քու հէ՛րն ու մէ՛րը թէ որ ինձ չը տան,
 Արին կը թափեմ ես գետի նրման,
 Սարերը կընկնեմ, կորչեմ անգիւման,
 Ա՛յ սեւ աչքերով,
 Ա՛յ ծով աչքերով,
 Ունքերդ կամար
 Աղջիկ, քեզ համար:

Երգում է Սարօն, ու չի կարենում
 Աղջիկը հանգիստ նրստել վըրանում.
 - Է՛ն ո՛վ էր, նանի՛, որ կանչում էր մեզ.
 Դու չես իմանա՞ւ. ականջ դի՛ր, տես...
 — Հերիք է, Անո՛ւշ, ներս արի դագէն,
 Քանի՞ դուրս թրուչես, նայես դէս ու դէն,
 Տեսնողն էլ կասի — ի՞նչ աղջիկ է սա,
 Հազար մարդի մօտ կերթայ կը խօսայ:
 — Մըտի՛կ տուր, նանի՛, է՛ն սարի լանջին,
 Ի՛նչքան աւուղ է տալի կանանչին,
 Նանի՛, թող գընամ քաղեմ ու հիւսեմ,
 Է՛ն սարի լանջին «ջան գիւլում» ասեմ:
 — Հանգիստ կաց, Անո՛ւշ, դու հասած աղջիկ՝
 Ի՞նչ ունիս ջահել չորանների մօտ,

Նրստիր վրրանում, քու գործին մրտիկ,
Պարկեշտ կաց, աղջի, ամօթ է, ամօթ:
- Ախ, սիրտբա, նանի, չը գիտեմ ընչի՝
Մին լաց է լինում սեւականած, տըխտուր,
Մին թեւ է առնում, ուզում է թրուչի,
Չը գիտեմ՝ թէ ուր, չը գիտեմ՝ թէ ուր...
Նանի ջան, նանի, ես ի՛նչպէս անեմ,
Ի՛նչ անի անքուն անհանգիստ Բա՛լէդ...
Նանի ջան, Նա՛նի, կուժը թող թռնեմ,
Աղբիւրը զընամ աղջիկների հետ...»

VI

Կըժերն ուսած՝ թըրբուալով՝
Ջուրն են իջնում աղջիկներ,
Խընդում իրար ուսի տալով,
Երգը զընգում սարն ի վեր:

— Ամպի տակից ջուր է գալի,
Դօշ է տալի, փըրփըրում,
Էն ո՞ւմ եարն է նըստած լալի
Հօնգուր-հօնգուր էն սարում:

Ա՛յ պաղ ջրեր, գուլալ ջրեր,
Որ գալիս էք սարերից,
Դալիս՝ անցնում հանդ ու չօլեր,
Եարս էլ խըմե՞ց էդ ջրից:

Եարաբ խըմեց, եարաբ հովցաւ,
Վառւած սիրտը էն եարի,
Եարաբ հովցաւ, եարաբ անցաւ
Անքուն ցաւը ջիգեարի...

— Աղջի՛, քու եարն եկաւ անցաւ,
Վառւած, տարւած քու սիրտի,
Էրւած ջիգեարն եկաւ անցաւ,
Չը հովացաւ պաղ ջրով...

Ամպի տակից ջուր է գալի,
Դօշ է տալի, փըրփըրում,
Ախ, իմ ազիզ եարն է լալի
Հօնգուր-հօնգուր էն սարում:

VII

Ու պառաւ նանի սըրտի մէջ յանկարծ
Չայն տըւաւ թարուն մի խաւար կասկած.
— Էն ե՛րբ էր՝ Անուշն իր կուժը առաւ,
Աղբիւրը զընաց ու ետ չը դառաւ...

Ամպերն եկել են սարերը պատել,
Ձորերը լըցել, իրար փաթաթել,
Հազար չար ու շառ հազար հարամի՝
Հազար ջահեղներ վըխտում են հիմի...
Ու ելաւ տեղից պառաւը յանկարծ՝
-Ո՞ւր կորար, Անուշ, ա՛յ մազըդ կըտրած...
Ու ձորի զըլխին, ձեռքը ճակատին,
Կանչում է, կանչում անահ գաւակին.

— Աղջի՛, սեւասիրտ, քու անը կըտրի,
Աղջիկը մինակ ձո՞րը կը մըտնի՝
Ամպը կոխել է, աշխարքը մըթնել,
Ի՛նչ ես կորցրել՝ չես կարում զըտնել.
Աղջի, հէ՛յ Անուշ, ա՛յ աղջի, Անուշ...
Ծընկանը զարկում, հառաչում է «վուշ»...
Ու ձորի զըլխին մոլորած կանգնած
Նայում է ներքեւ սիրտը սեւակնած:

Ամպերն եկել են, սարերը պատկել,
Զորերը լրցել, իրար փաթաթել,
Հազար շար ու շառ, հազար հարամի,
Հազար ջահելներ վրիտում են հիմի:

VIII

-Թո՛ղ, կանչում են ինձ... մայրս կիմանայ...
-Ձե՛, Անո՛ւշ, բի՛չ էլ, մի բի՛չ էլ մընա...
-Ձե՛, թող ես գրնամ. ա՛խ, ի՛նչ խենթ եմ ես,
Դու ինձ չես սիրում, չես սիրում ինձ պէս,
Հէնց ես եմ մենակ լալիս ու տանջւում,
Դու սարի լանջին խաղեր ես կանչում:
Վաղո՛ւց, վաղո՛ւց ես դու ինձ մոռացել...
Ես երբ եմ եկել այստեղ քարացել
Ու մընում եմ քեզ, մընում անիրա՛ւ,
Էնքան մընացի՛ աչքըս ջուր դառաւ:

Սառւմ են՝ ուռին՝
Աղջիկ էր ինձ պէս,
Մընում էր եարին,
Ու չեկաւ նա տես.
Եկողը դողալով՝
Մնայա կըռացաւ,
Թարթիչ չորացաւ,
Ուռենի դարձաւ...
Զրբերի վըրայ
Դըլուխը կախած՝
Դեռ դողում է նա
Ու լալիս կամաց,
Ու ամբողջ տարին
Մի միտք է անում,
Թէ եարը եարին
Ո՛նց է մոռանում...

— Ա՛խ, Անու՛շ, Անո՛ւշ, էդ ի՞նչ ես ասում.
Բա դու չե՛ս լրտում,
Էն՝ որ լանջերին խաղեր եմ ասում,
Ո՞ւմ հետ եմ խօսում.
Էն՝ որ զիշերով շրհու եմ փրչում,
Էն ո՞ւմ եմ կանչում.
Էն, որ մոլորեա՜մ, նրստա՜մ եմ մընում,
Ո՞ւմ հետ եմ լինում.
Էն, որ հառաչում ու ախ եմ քաշում,
Էն ո՞ւմ եմ յիշում...
Ա՛խ, Անո՛ւշ, Անո՛ւշ, անասուա՜մ Անուշ...
Արբեցա՜մ, Անուշ,
Հառաչեց հովին ու սըրտին ընկաւ,
Հաւեցաւ, հանգաւ...

IX

— Անո՛ւշ. ա՛յ աղջի՛, Անո՛ւշ, տո՛ւն արի,
Կանչում է մայրը, հառաչում, կանչում:
— Գալիս եմ, գալի՛ս, գալիս եմ, նանի՛,
Զորից աղջրկայ ծայնն է ղողանջում:
Ու մագերն անկարգ տըլած թիկունքով
Ու ցըրած շիկնած այտերի վըրան:
Դուքս եկաւ թեթեւ ամպերի տակից
Անուշը՝ փախած եղնիկի նրման:
Նա կուժը դատարկ ետ բերաւ կըրկին,
Իսկ ուսին տարած ուսաշոր չրկայ,
Թողել է այն էլ ջրրի եզերքին:
Ա՛խ, անհոգութիւն ջանել աղջրկայ...
— Նանի՛, վախեցայ, զանգատուում է նա,
Եւ ոգում է լալ, չի՛ կարողանում.
Նանի՛, ներքեւում ես մարդիկ տեսայ,
Կարծեցի՛ թուրքեր էին լողանում...

Անիծում է ծեր մայրը բարկացած
Իրեն մոռացկոտ, վախկոտ Անուշին,
Ու անէծք տալով իջնում է նա ցած՝
Դատարկ ետ բերած հին կուժը ուսին:



X

(Համբարձումն առաւօտը)

Համբարձումն եկաւ, ծաղիկունքը ալւան
Զուգել են հանդեր նախշուն զորգերով,
Փունջ-փունջ աղջիկներ սարերը ելան
Վիճակ հանելու աշխոյժ երգերով:

«Համբարձում, եայլա,
եայլա ջան, եայլա
Սեւ սարեր եայլա,
եայլա ջան, եայլա:

Երգ ու բոյր խառնած,
Թեւ-թեւի բրնձած
Զուգում են լեռներ,
Ծաղիկ են բաղում,
Ծաղկի հետ խաղում,
Ինչպէս թիթեռներ:

Համբարձում, եայլա,
եայլա ջան, եայլա.
Լաւ օրեր, եայլա,
եայլա ջան, եայլա:

Եկաւ Համբարձում,
Ծաղկով զարդարւած,
Մեր բաղդին հարցում.
— Ո՞վ է մեզ գրբւած:

Այ ջան տղայ, չորան տղայ, ո՞ւմն ես դու.
Աստուած գիտի, աշխարհ գիտի՝ իմն ես դու:

Համբարձում, եայլա,
եայլա ջան, եայլա,
Հուր սրբոներ, եայլա,
եայլա ջան, եայլա:

Թընդում են երգեր, խնդում են սրբոներ,
Ու շուրջ բոլորած վիճակ են հանում.
Ելնում է մէկին իր երազն ու սէր,
Միւսի մութագր սրբաւումն է մընում:

XI

Պրտոյտ է տալի վիճակը նորից,
Քուշուշքը գրլիւին ծաղիկ ծաղկամէր,
Թընդում «ջան գիւլում» մատաղ սրբ-
տերից,

Հետը գրգըւում էն ծաղկոտ սարեր:
Այ թուխ մազաւոր աղջիկ,
Այ սարի սովոր աղջիկ,
Զիգեարին գիւլա դիպի
Քեզ սիրի ով որ աղջիկ:
Ո՞հ, ինչ սեւ վիճակ քեզ բաժին ընկաւ,
Սեւաբախտ քուրիկ, նազելի Անուշ.
Քու ծեռը կոտորի, ով որ հանեցիր...
Ու ողջ մընացին մոլորւած, ապուշ:

-Սուտ բան է, քոյրիկ, դու մի՛ հաւատար,
 Լոկ պատահական մի չար խօսք է սա:
 Սիրտըդ մի՛ կոտրիր սուտ բանի համար,
 Քու խաղըդ խաղա, ջան գիւլում ասա:
 -Ախ, չէ՛, ես գիտեմ, ես բախտ չի ունեմ,
 ես երբեք, երբեք բախտ չեմ ունեցել.
 ես միշտ էլ էսպէս անբախտ կը լինեմ.
 Մանուկ օրից են դեռ ինձ անիծել:
 Ասում են՝ մի օր, ես օրօրոցում՝
 Մի պառաւ դաւրիշ մեր դուռն է գալի,
 Իր խաղն ասում է ու բաժին ուզում,
 Իմ նանը նըրան բաժին չի տալի:
 -Կորի՛, ասում է, կորի՛ մեր դրունից,
 երեսաս հաքեց, հեռացի՛ր. գրեա՛...»
 Ու դաւրիշն այնտեղ անիծում է ինձ,
 Թէ՛ դըրա օրը լացով անց կենայ...
 Ախ, այն դաւրիշի անէծքին անգուժ
 Ու այս վիճակին տեղեակ է Աստուծ,
 Սիրտըս էլ միշտ փակ, սիրտըս էլ միշտ
 մոռեմ,

Ինչ կայ, չը գիտեմ, իմ առջեւ պահեաւ...
 -Մի՛ տըրտմիր. Անտէշ, մի՛ լինիր յամառ.
 Մեր ձեռքով հանած մի անմիտ վիճակ,
 Մի խելառ դաւրիշ, մի անէծք յիմար,
 Ու լալիս ես դու այդպէս սըրտահա՛ք...
 Հանգիստ կաց քոյրիկ, մի՛ վախիր այդքան,
 Կեանքը քեզ համար փառ գարուն է դեռ,
 Այդ քո նորահաս մատաղ կուսութեան
 Առաջեւ դեռ կան երջանիկ օրեր:
 Սուտ բան է. քոյրիկ, դու մի՛ հաւատար,
 Լոկ պատահական մի չար խօսք է սա.
 Սիրտըդ մի՛ կոտրիր սուտ բանի համար,
 Քու խաղըդ խաղա, ջան գիւլում ասա:

(Թումրը եղում է)

Աղջի բախտաւոր,
 Երեւէ՛կ քու սէրին,
 Քու սարի սովոր
 Սու-սու աչքերին:

Համբարծում, եայլա,
 Եայլա ջան, եայլա,
 Սէր-օրեր եայլա,
 Եայլա ջան, եայլա:

Մեռնեմ գարունքիդ,
 Ծաղկած գարուն ես,
 Սարի պէս մէջքիդ
 Կանգնած եար ունեմ:

Համբարծում, եայլա,
 Եայլա ջան, եայլա,
 Սար-եարեր, եայլա
 Եայլա ջան, եայլա:



XII

Ջրմբան մի գիշեր կար մի հարսանիք,
 Հըրճում էր անգուսպ ամբողջ գիւղի.
 Դիւղն էին իջել հովիւ պատանիք
 Աղջիկ տեսնելու, պարի ու կոխի:
 Ու պարից յիտոյ լայն հըրապարակ
 Բաց արին մէջ տեղն արծակ գրխատան,
 Չուռնաջին փրջեց կոխի եղանակ,
 Անել ու ջահել իրարով անցան:

Հարա՛յ են տալի — «բաշի հա, բաշի...»
 Ու դուրս բաշեցին զօռով երկուսին.
 Մինը մեր Սարօն, իսկ միւսն Անուշի
 Անդրանիկ եղբայր զառնարած Մօսին:
 Ողջ զիւրը կանգնեց պարբսպի նըման,
 Զոկւեց, բաժանւեց երկու բանակի,
 Ամեն մի բանակն ընտրեց փահլեւան,
 Կանգնեց թիկունքին տըղերանց մէկի:
 Գոռում են, գոչում երկու բանակից.
 -Սըրտապինդ կացէ՛ք, մի վախէ՛ք, տըղերք,
 Իսկ նորեկ հարսի փարդի բամակից
 Նայում են կանգնած հարսն ու աղջրկերք:
 Ու տաքանում են տըղերքը սաստիկ,
 Փէշերը հաւար խըրում են զօտին,
 Դետին են զարկում ձեռքերը հաստիկ,
 Իրար են համնում թափով մոլեգին...
 Աղաթ կայ սակայն էն մութ ձորերում,
 Ու միշտ հընազանդ հընոց աղաթին,
 Ամբոխի առջեւ իգիթն իր օրում
 Գետին չի զարկիլ ընկեր իգիթին:
 Ու իրար բըռնած Սարօն ու Մօսին
 Քաշում են, ընկնում խոզապարկուկի.
 Ընկնում են գետին, երկում միասին,
 Դրժւար է իբրեւ յաղթել մէկ մէկի:
 Իզուր է գոռում ամբոխը հարբած,
 Զուր սըրտատըրոյի նայում աղջիկներ,
 Եւ զուր է Անուշն, իր շունչը կըտրած,
 Մառել ու կանգնել, ինչպէս մի պատկեր:
 Անուշը կանգնած... Սարօն նրկատեց,
 Թունդ առաւ սիրտը ու զարկեց արագ.
 Աչքերի առջեւ մըլաքը պատեց.
 Մոռացաւ ընկեր, աղաթ ու աշխարք:

Ու մինչդեռ Մօսին ընկերախաղի,
 Կատակի տալով թողած էր իրեն,
 Ուժ արաւ Սարօն, ծընկեց կատաղի,
 Դետնեց ընկերին ու չօրեց վըրէն:
 Սմբոխը թափւեց հարաւ-հըրոցով,
 Վեր թըցրեց ջահել փահլեւաններին
 Եւ՝ ուրախութեան աղմուկ-գոռոցով
 Յաղթողին փնտի թախտի մօտ բերին:
 Յընձութեան ծայնից, ծափերի զարկից
 Շարժւում են դողում պատեր ու օճորք.
 Իսկ նորեկ հարսի փարդի բամակից
 Նայում են կանգնած հարսն ու աղջրկերք:

XIII

Վերկացաւ Մօսին, իրեն կըտրատում,
 - Թող գա՛յ, գոռում է, որ բըռնենք նորից,
 Թէ չէ նամարդը, արեւս եմ երդւում,
 Էլ չի պըրծնելու երբեք չէ ձեռից.
 Վէ՛ր չի գցել ինձ... ինձ խաբել է նա...
 Մէջդան բաց արէք, թող մին էլ մէջ գայ...
 Ու ամէն կողմից ուրախ հըրհրում,
 Թունալի ծաղրով կանչում, են գոռում.

— Զէյաւ, էդ չէյաւ,
 Վեր չի գըցել դեռ,
 Մօսին թօլ էյաւ —
 Խոզապարկուկ էր...
 Հա, հա, հա, տըղնրք,
 Շատ էլ լաւ կանի,
 Մէջքը թափ տըւէք,
 Թող մին էլ բըռնի.
 Հա, հա, հա, տըղնրք,
 Մէջքը թափ տըւէք...



XIV

Եւ աղմրկալի հարսանքի տանից
Դուրս եկաւ Մօսին սաատիկ վիրաւոր.
Արիւն է կաթում սեւակնած սրբոց,
Դքնում է ըշտապ, քայլերը մոլոր:
-Ամօթ քեզ, Մօսի, թո՛ւք ու նախատինք,
Ամօթ քեզ նրման գոված իգիթին,
Մի անունդ յիշիր, մի բոյիդ մրտիկ.
Դեռ քու թիկունքը չէր տեսել գետին:
Ինչպէս վէր ընկար դո՛ւ սարի նրման,
Երբոր նայում էր ողջ գիւղը կանգնած...
Դո՛ւ... կուճ գաս տակին Սարօի ծընկան,
Նըրանից լիտոյ երեւաս կանաճ...
Եկած էր էս բանն իսկի քու գըխին...
Ծաղրադեղ դառար բովանդակ գեղին...
Դէ մեռիր էլի՛, գետինը մըտիր,
Տանը վեր ընկիր, իլիկ պըտըտիր»...

XV

-Վա՛յ, վա՛յ, Մօսի ջան, ինձ մի՛ սպանիր.
Սըրանից յետոյ չեմ սիրել նըրան...
Վախենում եմ ես... դամէ՛դ տեղը դիր...
Սիրտըս դողում է տերեւի նըման...»
Խընդրում էր լալով եղբոր առաջին
Անգօր ու դալուկ իր քոյրը չոքած,
Մօսին՝ փայլկրտուն խանչալը ձեռին՝
Ուզում էր մոթել նըրան աչքը բաց:
-Դէ՛ իմ անունով երդւիր, անըգգա՛մ,
Որ էլ Սարօին դու չես սիրելու:

Թէ՛ չէ՛ տեսնո՞ւմ ես խանչալը հանած՝
Մինչեւ դաստակը սիրտդ եմ խըրելու:

Դու ոտի հողն եմ, Մօսի ջան, Մօսի,
Դու քու եսիրին երդո՞ւմ ես տալիս...
Ես էլ Սարօին չեմ սիրում ափ,
Տեսնո՞ւմ ես չոքած ինչպէս եմ լալիս...

-Դու խաբո՞ւմ ես ինձ, սուտի՛կ, խաբեքա՛յ.
Ձե՛ս սիրում ափը. էն ի՛նչ է հապա,
Էն ի՛նչ է հապա, որ տեղն ենք մտնում՝
Հեկեկում ես դու գիշերուայ մըթնում.
Էն ի՛նչ է հապա, որ դու երազում
«Սարօ ջան, Մա՛ր, Սարօ» ես ասում...

-Մօսի ջան, Մօ՛սի, զխտի՛ղ շուռ գամ.
Ինձ մի՛ սպանիր, ինձ թող էս անգամ.
Էլ չեմ սիրել ես, երբ դու չես ուզում,
Էլ չեմ կանչել ես նըրան երազում...
Ինձ մի՛ սպանիր, դամէ՛դ տար հեռու...
Քու քոյրը չեմ ես... իմ Մօսին չես դո՛ւ...

XVI

Ու էն հարսանքից թըշնամի դարձան
Ախպէր տըղերքը էս դէպքի համար.
Ընկեր, բարեկամ գընացին, եկան,
Կրրկին հաշտութեան չեղաւ մի հընար:
Անկտորում Մօսին էլ ո՛ր Մօսին էր,
Որ՝ աչքը դեռ բաց, էս լուս աշխարհում,
Իրեն հարազատ քրորքը տեսնէր
Նամարդ ընկերի-Սարօի գըրկում:
Դուցէ գիշերս էլ՝ իր հերսից անբուն՝
Ուզում է ջահել քրորջն ըսպանի,
Սարօի անունն ու սէրը թաքուն

Խանդարի ծայրով սրբախցը հանի:
Ո՞վ գիտի՝ գուցէ հէնց այս գիշեր էլ
Իգիթ ոտխններն, անհաշտ ու յամառ,
Մէկմէկու հօտից ոչխար են քրշել:
Մէկմէկից վրէժ առնելու համար:
Կարող է նոյնպէս պատահել յանկարծ,
Որ մէկի դէզը, արդիւնքը հրնձի,
Գիշերւայ ժամին, հըրով բռնակած,
Երկնահաս բոցով աստղերը խանձի:



XVII

Ամպերը դանդաղ ուղտերի նման
Նոր են ջուր խրճած ձորից բարձրանում:
Քարոտ թիկունքից Չաթինդաղ լեռան
Նոր է արեւը պրուռները հանում:
Գիւղում աղմուկով իրար են անցնում,
Կրտեր ծայրերին կանայք հաւաքւած,
Տըղերքը դէպի բարափն են վազում
Հըրացանների կիսերից բըռնած:

XVIII

Եկաւ վիթխարի ծերունի մի մարդ,
Կանգնեց վրդովւած տըղերանց միջին,
Մառը դէպի ձոր մեկնելով հանդարտ
Այսպէս նա պատմեց զօտ տալով չիբխին.
— Էս գիշեր կէսը կընէր գիշերւայ,
Դեռ չէի կըպցրել աչքըս տեղի մէջ.
Քունս էլ է կորել, ջանս էլ էս վաղւայ,
Ամեն մի բանից մընացել եմ խեղճ...

Հա՛, հալալ կէսը կընէր գիշերւայ,
Շունը վերկացաւ էս կըռան վրայ.
Հէ՛յ հէ՛յ կանչեցի, ծէն տըտղ չէլաւ,
Շունը գազազեց, շունը վեր կալաւ...
Հէ՛յ գիտի, ասի ինքս իմ միջում,
Ինչ է մընացել առաջւան տըղից.
Իրնում էի վաղ մենակ արխաջում,
Մի ծէն լըսելիս վեր թըռչում տեղից...
Էն էի ասում, քընել չէի դեռ.
Կը լինէր դառը գիշերւան կէսը,
Երկու մարդկային սեւ կերպարանքներ
Շան առջեւ փախած՝ ցած իջան դէսը...
Էս որ լըսեցին, դէս ու դէն ցըրւած
Տըղերքը ճեպով ձորը ներս մըտան,
Ու մըտի տակին, ճամբիցը ծըռւած,
Երկու մարդու թարմ ոտնատեղ զըտան:

XIX

Ամբողջ մի ամիս խումբը զինավառ
Սարեր ու ձորեր ոտնատակ տըռեց,
Չորան Սաքօին զըտնելու համար,
Որ սարիցն իջաւ Անուշին փախցրեց:
Մի ամսից յետոյ տըղերքն եկան տուն,
Գովելով նըրա արարքը ճարպիկ.

— Հալալ է արդին, ա՛յ իգիթութիւն.
Ահա՛ թէ ինչպէս կը փախցնեն աղջիկ:
Մինակ Անուշի եղբայրը — Մօսին
Մընաց հանդերում. երդում կըրաւ նա,
Ուր որ է՛յ լինին՝ նըրանց միասին
Դըտնի՛ կոտորի, սիրտը հովանայ:

XX

— Աղջի՛, Վա՛րդիշադ, թէ՛ հոգիդ սիրես,
 Մի՛ գարիդ գրցիր, տես ի՛նչ է ասում.
 Աչքըս խաւարի, տեսիլք դառնամ ես, —
 Տեսիլք եմ տեսել գիշերս երազում:
 Մի՛ մութ ծորի մէջ, մի՛ նեղ ծորի մէջ
 Անբախտ Սարօն ոչխարը կանգնած,
 Լեզու էր առել ու խաղ էր կանչում,
 Ու խաղ էր կանչում ձէն ձէնի տըւած...
 Մի՛ գարիդ գրցի՛ր, թէ՛ սրտով խընդաս,
 Էս երազն իսկի ես լաւ չեմ փորձել.
 Ողորմած Աստուած, Քու դուռը բանաս,
 Քու ոտի հողն ենք - Դու ես ըստեղծել...
 Անբան գառները մութ ծորի միջին
 Խաղ էին կանչում ու ձէնով լալի,
 Սարօի նանն էլ նըրանց առաջին
 Աղլուխ էր առել ու պար էր գալի...
 — Աղջի՛, Մանիշակ, վատ բան ես տեսել,
 Գարիս էլ, ահա, էնպէս դուրս եկաւ.
 Էս չարն, էս բարին... Սարօն է էս էլ.
 Տես, ահա, Սարօն սեւ համբէն ընկաւ...
 Աստուած խընայի ջահել - ջիւանին,
 Աստուած խընայի իր նաչար նանին...

XXI

Ու ման է գալի սարերը ընկած
 Սարօն փախցրած նղջերի նըման,
 Օրհասն առաջին, զընդակն հտուից,
 Հանդերը դըժոխք, ընկերը դուշման:
 Եւ երբ երեկոն հանդարտիկ ու լուռ
 Սարերից իջնում, խաւարն է պատում,
 Նրա բայաթին ողբում է տըխուր,
 Ընկեր սարերին խօսում, զանգատում:

«Բարձրը սարեր, ա՛յ սարե՛ր,
 Զէն եմ տալի «վայ», սարե՛ր,
 Դուք էլ ինձ հետ ձէն տըւէք
 Իմ դարդերի թայ սարե՛ր:

Որս եմ՝ բութէս ձեզ արած,
 Զեր ծորերին, ձեզ արած,
 Կուգեմ կորչեմ անգիւման,
 Էս աշխարհից բէգարած:

Կորչեմ բէգար դատարկուն,
 Քար սարէ՛-սար դատարկուն,
 Մեռնեմ պըրժնեմ էս օրից,
 Բայքի առնեմ դադար-քուն:

Ա՛խ կը մեռնեմ՝ ամա նա
 Վայ թէ՛ յանկարծ իմանայ,
 Ես ազատեմ էս ցաւից,
 Աչքը լալով նա մընայ:

ԼԵՆԳՆԵՐՈՐԳ ԵՐԳ

XXII

Լալիս է Անուշն երեսին ընկած,
Կանգնած են շուրջը կանայք հարեւան,
Ու խօսք չեն զբտնում ասեն անարգւած,
Տարած-ետքերած, անբախտ աղջրկան:
Աստուած խընայեց՝ կոպիտ եղբայրը
Հեռու հանդերից դեռ տունն չէր դարձել,
Իսկ խոժոռադէմ, ալեւոր հացրը
Սկսաւ փրփրբած թրքիկ, անիծել:
- Դո՛ւրս գընա՛, կորի՛, ա՛յ լիրբ, անրզգա՛մ,
Սեւ ու սուգ լինի թագ ու պրսակըդ,
Կորի՛, չերեւաս աչքիս միւս անգամ,
Դիտինը մրտնի երկար հասակըդ:
Տեսա՛ր, որ նըրան առում է Մօսին,
Չեն ուզում, տեսար, նըրան հէքն ու մէրդ,
Դու քանի՞ գըլուխ ունիս քո ուսին,
Որ վեր ես կենում փախչում նըրա հետ»:
Խոնքւած գիւղացիք կրտուրից իջան
Մեղմելու կոպիտ բարկութիւնը հօր,
Յայտնուեց նայնպէս գիւղի քահանան,
Մի պատկառելի հրսիայ ալեւոր:
- Դո՛ւրս գընացէ՛ր, դո՛ւրս, գոչեց տէրտէրը,
Անուշը թողէ՛ր ուղիդն ինք ասի,
Թողէ՛ր նա յայտնի իր միտքն ու սէրը,
Նըրանից յետոյ քոնը կը պարզի:
Մի՛ յար, իմ ազգիկ, ինձ հոտտովանի՛ր,
Սիրով ես նըրան, քու կամքով փախար...
Եթէ սիրում ես՝ էլ դարդ մի՛ անիր,
Պիտի պրսակեմ ես քեզ անպատեհաւ...

- Ինչ են հառաչում... Էն ո՞վ էր, մի տե՛ս,
Որ դուրսը յանկարծ աղմըկեց էսպէս...
Ո՞վ է քսպանել... Մօսին... Դեմ... ո՛ւր...
— Անտէշ, հէ՛յ Անտէշ... ջուր հասցըրէ՛ք,
ջուր...»

XXIII

Ինչպէս մի հեղեղ վեր կենար յանկարծ,
Երկրնքի մըթնած ամպերից իջնէ՛ր.
Ինչպէս փոթորիկ սաստիկ սրընթաց,
Գիւղից սրլացան մի խումբ կրտորիճներ:
Ցաւից տաքացած էլ բան չեն հարցնում,
Թռչում են, ասես անից հալածւած,
Ու նըրանց առջեւ անուշի բացւում,
Թըշշում է ծորր արինով լրցւած:
Դիւղը դատարկեց մի ակնթարթում.
Քարափի գըլխին կանգնած անհամբեր,
Լճու, սըրտատորտի ականջ են դընում,
Նայում են ներքեւ... ծայն չի գալի դեռ...
Դեբեդն է միայն անդընդում՝ յուզւած՝
Խըլածայն ողբով սուրում դէպի ցած:

XXIV

Ու մարդաստանը դուրս եկաւ ծորից,
Դէմըր այլայլած, քայլածքը մոլոր.
Մարսափ է կաթում արնոտ աչքերից,
Եւ կերպարանքը փոխւած է բոլոր:
Առանց նայելու մարդկանց երեսին,
Առանց խօսելու, սեւակնած, դաժան,
Մօտեցաւ սրահին, կախ տըւաւ սընին:
Սեւ հըրացանք, սեւ օծի նըման:

Պապանձեց նոյնպէս ամբողջ մեխած,
 Այ որ ծրպրտալ չի համարձակում,
 Մենակ մի հոգի անգուսպ կատաղած՝
 Հարայ է կանչում, երեսը պոկում:
 Մեռած չորանի պառաւ նանն է նա՝
 Ցաւից խելագար բառաչում, լալիս.
 Տարաբախտ ծընող, վազում է անա,
 Զորիցն է տրխուր գոռոցը գալիս:

XXV

Յրգաւոր կանայք նորա ետեւից
 Հարայ կանչելով ծորը վազեցին,
 Իրենց կորցրածն էլ յիշելով նորից՝
 Դիակի շուրջը կարգով շարեցին:
 Իգիթին վայել սրտառուէ ողբով
 Լաց ու կոծ արին ծէն ծէնի տըւած,
 Տըղերքն էլ մըթին, լուռ ու գըլխիկոր,
 Մընացին մօտիկ քարերին նրստած:
 Ողբացին անշունչ դիակի վրրա
 Անտէր մընացած ոչխարի մասին.
 Անտիրտ անէծքով յիշեցին վրրա
 Անհար մընացած խեղճ եարի մասին.
 Եւ նրրա մասին, որ ընկերները
 Հանգեր գընալիս Սարո կը կանչեն,
 Որ սարից փախած սոված շընները
 Կրտները պիտի ոռնան, կըլանչին:
 Որ հով սարերի սովորած նանը
 Էլ սար չի գընալ առանց Սարօի,
 Սեւ շորեր հագած կը նրստի տանը՝
 Անցած օրերը միտը կը բերի.
 Եւ ամեն մի խօսք, մի յիշողութիւն
 Կրտրատում էին սիրտը ծեք նանի,

Եւ աղաչում էր նա մեռած որդուն
 Մի անգամ խօսի, աչքը բաց անի:
 — Ընչի՞ չես խօսում, ընչի՞ չես նայում,
 Իմ օր ու արեւ, կեանք ու ջան՝ որդի,
 Դու իմ գերեզմանն ընչի՞ ես խըլում,
 Թըշնամի՞ որդի, դանձա՞ն որդի»...
 Բայց չէին բացում աչքերը փակւած,
 Ծուրթերը սառել, չորացել էին,
 Նորանց արանքից ատամները բաց,
 Միպտակ շարքերով երեւում էին:
 Եւ նա կատաղած՝ յանդուգն անէծքով
 Ծառս եղաւ դուշման երկրների դիմաց,
 Եւ հայնոյում էր, եւ կուրծքը ծեծում,
 Եւ լալիս էին ծէն ծէնի տըւած...
 Դիշերը իջաւ, սաստկացաւ մութը
 Եւ նըւաղեցին ծայները տըրտում,
 Յոգնեցին, հանգան... Մերուկ Դեբեդը
 Սըգում էր մենակ խաւար անդընդում:

XXVI

Եւ մի քանի րնկեր տըղերը
 Զորում, գետի եզերքին,
 Փոս փորեցին ու սրտաբեկ
 Հողին տըլին հովի դին:
 Ծառ ու ծաղիկ սըւտըւալով
 Բոյր խընկեցին դէրեկան,
 Ծեր Դեւ-բեդն էլ ահեղ ծայնով
 Երգեց վըսեմ շարափան:
 Ու տըղերը տըխուր ու լուռ
 Վերադարձան դէպի տուն,
 Զորում թողած մի սեւ բըլուր,
 Մի գերեզման անանուն:



XXVII

Գարունը եկաւ, հաւքերը եկան,
Սարեր ու ձորեր ծաղիկներ հագան,
Մի աղջիկ եկաւ, մի մենակ քաղւոր,
Գետի եզերքին շրջում է մոլոր,
Շրջում է մոլոր, խընդում ու լալիս,
Երգեր է ասում ու ման է գալիս:

— Սիրուն աղջիկ, ինչ ես լալիս
Էդպէս մենակ ու մոլոր,
Ինչ ես լալիս ու ման գալիս
Էս ձորերում ամեն օր:
Թէ լալիս ես՝ վարդ ես ուզում՝
Մայիս կը գայ, մի քիչ կայ,
Թէ լալիս ես՝ եարդ ես ուզում՝
Ախ, նա գընաց, նա գընաց...
Արտասուելով, լալով էդպէս
Ետ չես դարձնի էլ գերիդ,
Ինչո՞ւ իզուր հանգցընում ես
Ջահել կրակն աչքերիդ:
Նրբա անբախտ հողի վրա
Պաղ ջուր ածա աղբիւրի,
Գու էլ գընա նոր սէր արա,
Էսպէս է կարգն աշխարհի:

— Շնորհակալ եմ, անցւոր ախպէր,
Աստուած պահի բու ետրին.
Ճամբիդ վերջում կանգնած է դեռ
Անուշ ծիծաղն աչքերին...

Ուրախ սրբտով դուք ձեր սէրը
Վաշխեցէք անթառամ.
Ինձ արցունք է տրւել Տէրը,
Ես պիտի լամ, պիտի լամ...

Ու ման է գալիս
Երգում ու լալիս:
Երգերը անկապ, երգերը տրխուր,
Արցունքի նման հոսում են իզուր.
Բայց լալիս է նա ու երգեր ասում,
Ու միշտ այն անմիտ տրտուեցն է խօսում,
Թէ ինչպէս յանկարծ աշխարհը փոխեց,
Ինչպէս դատարկեց կեանքում ամեն բան.
Սարերը մնացին որբ ու անչորան,
Թէ ինչպէս յանկարծ նա գընաց հեռու,
Էլ չի դառնալով, էլ չի գառնալով...

«Ետ դա՛ւ, Է՛տ, իգի՛թ,
Ետ դա՛ւ, անիրա՛ւ.
Կարօտած եարիդ
Սէրը ջուր դառաւ:
Ոչխարդ է՛ն սարով
Շուռ տուր, տուն արի՛,
Փախի՛ր գիշերով
Ու թագուն արի՛...

Ախ, է՛ն կանանց սարի լանջին
Ո՞վ է քնած է՛ն տղէ՛ն,
Վըրէ՛ն քաշած սեւ ետիրնչին,
Կու՛ր հանած է՛ն արդէ՛ն...
Ջահ, իմ ետրն է, ջանի՛ն մոռնեմ,
Ծաղկի հոտով նա հարբել,
Սարի լանջին, հովի միջին
Անուշ-մո՛ւշ, անուշ մորափել:

Վե՛ր կաց, վե՛ր, իգի՛թ,
 Վե՛ր կաց, անիրա՛ւ,
 Ոչխարրդ բեր կի՛թ,
 Օրը հաշ դառաւ...
 Արի՛, ջա՛ն, արի՛,
 Քու գալուն մեռնեմ,
 Թուխ չորան, արի՛,
 Կարօտըս առնեմ...

Տեսէ՛ք, տեսէ՛ք, դափ ու զուռնով
 Ի՞նչ հարսանիք է դուրս գալի,
 Մարդիկ ուրախ թօն ու ծիւնով
 Ձի են խաղում, չափ տալի...
 Աղջի, աղջի՛, մըտիկ արէ՛ք,
 Էս ի՞նչ տեսիլք ես տեսայ.
 Ո՛վ էր տեսել էսպէս հարսնիք —
 Ո՛չ հարս ունեն, ոչ փեսայ. .

Բերում են հըրէ՛ն,
 Ամա՛ն, մեր տան դէմ
 Վե՛ր դըրէ՛ք, վըրէ՛ն
 Հիւսերըս բանդեմ...
 Ես էլ եմ ուրի՛շ,
 Էդ մի՛ւր էք տանում...
 Ինձ էլ թաղեցէ՛ք
 Իր գերեզմանում...

Ախ, չէ՛, ամա՛ն, ասում են դա
 Մի դիակ է լժու, հոտած,
 Արիւնը չոր դէմքի վըրա,
 Աչքերն անթա՛րթ, սիպտակած:
 Նա սիրում էր անուշահոտ,
 Աչքերը լի ծիծաղով,

Նա գալիս էր ցողոտ-շաղոտ,
 Հանաքներով ու խաղով...

Արի՛, ջա՛ն իգի՛թ,
 Արի՛, անիրա՛ւ,
 Կարօտած եարիդ
 Ոչքը ջուր դառաւ:
 Էլ մի՛ ուշացի՛,
 Ես շատ եմ կացել,
 Էլ մի՛ լացացի՛,
 Ես շատ եմ լացել:
 Տես կը խրոտվե՛մ,
 Լաց կըլեմ ես է՛լ:
 Ձեմ խօսիլ քեզ հետ...
 Ձեմ սիրիլ քեզ է՛լ...»

XXVIII

Անլըռելի վըշվըշում է
 Պըղտոր ջուրը Դեբեդի,
 Նըրա ափին կանաչում է
 Մենակ շիրիմն իգի՛թի,
 Նըրա շուրջը հէք սիրունին
 Թընդացնում էր ողբ ու լաց,
 Ձայն է տալիս իր Մարօին
 Ու պըտըտում մոլորում:
 Եւ հոսում է գիշեր-ցերեկ
 Արցունքն անբախտ աղջըկայ,
 Բայց իր սիրած տըղան երբեք
 Չըկայ, չըկայ ու չըկայ...

Վըշվըշում է գետը — վո՛ւշ, վո՛ւշ,
 Ու յորձանք է տալիս յորդ,
 Ու կանչում է՝ «Արի՛, Անո՛ւշ,
 Արի՛, տանեմ ետքիդ մօտ...»

Անո՛ւշ, ա՛յ աղջի՛, Անո՛ւշ, տուն արի...
 Կանչում է մայրը վերելից, կանչում.
 Լուռ են ծորերը, լուռ են անուշի,
 Դուշման Դեբեդն է պղտոր մըռնչում:

Վուշ-վո՛ւշ, Անո՛ւշ, վուշ-վո՛ւշ, քուրի՛կ,
 Վո՛ւշ, քու սէրին, քու ետքին,
 Վուշ-վո՛ւշ, Մարո՛, վուշ-վո՛ւշ, իգի՛թ,
 Վո՛ւշ - քու սիրած սարերին...

XXIX

Համբարձման գիշեր, էն դիւթիչ գիշեր,
 Կայ հըրաշալի, երջանիկ վայրկեան,
 Բացում են ոսկի երկրնքի դռներ,
 Ներքեւ պապանձում: լըռում ամեն բան,
 Եւ Աստուածաշին անհաս խորհըրդով
 Լըցւում ըովանդակ Նըրա սուրբ գըթով:

Այն վեհ վայրկենին չըքնաղ գիշերի՛
 Երկրնքի անհո՛ւն, հեռու խորքերից,
 Անմուրազ մնում սիրահարների
 Աստղերը թրում էրար են գալիս,
 Գալիս՝ կարօտով մի հեղ համբուրում
 Աշխարհից հեռո՛ւ, լագուր կամարում:

Թ Մ Կ Ա Բ Ե Ր Դ Ի Ա Ռ Ո Ւ Մ Ը

Ն Ա Խ Ն Բ Բ Գ Ա Ն Բ

Հէ՛յ պարոններ, ա կանջ արէք
 Թափառական աշուղին,
 Սիրուն տիկնայք, ջահել տղերք,
 Լաւ ուշ դըրէք իմ խաղին:

Մենք ամենքս հիւր ենք կեանքում
 Մեր ծնընդեան փուչ օրից,
 Հերթով գալիս անց ենք կենում
 Էս անցաւոր աշխարհից:


Անց են կենում սէր ու խընդում,
 Դեղեցկութիւն, գանձ ու գահ,
 Մահը մերն է, մենք մահինը,
 Մարդու գործն է միշտ անմահ:

Գործն է անմահ, լա՛ւ իմացէք,
Որ խօսւում է դարէդար,
Երնէ՛կ նըրան, ո՞րքա՞ գործով
Կապրի անվերջ, անդադար:

Չարն էլ է միշտ ապրում անմեռ,
Անէ՛ծք նըրա չար գործքին,
Որդիդ լինի թէ հէրն ու մէր,
Թէ մուրազով սիրած կին:

Ես լաւութեան խօսքն եմ ասում,
Որ ժըպտում է մեր սըրտին.
Ո՞վ չի սիրում, թէկուզ դուշման,
Լաւ արարքը, լաւ մարդին:

Է՛յ, լաւ կենաք, ահանջ արէք,
Մի բան պատմեմ հիմի ձեզ,
Խօսքըս, տեսէք, ուր է գնում,
Քաջ որսկանի գիւլի պէս:



I

Նաղիր Շահը զօրք հաւաքեց,
Զօրք հաւաքեց անհամար,
Եկաւ Թըմկայ բերդը պատեց,
Ինչպէս գիշերն էն խաւար:

— Հէ՛յ քաջ Թաթուլ, կանչեց Շահը,
Անմա՞հ էիր քեզ կարծում.
Ե՛կ, բերել եմ ես քու մահը,
Ի՛նչ ես թառել ամրոցում:

— Մի՛ պարծենայ, գոռոզ Նաղիր,
Պատասխանեց էն հըսկան.
Գըլխովը շա՛տ ամպեր կանցնեն,
Սարը միշտ կայ անսասան:

Ասաւ, կանչեց իր քաջերին,
Թուրը կապեց հաւլունի,
Թըռաւ, հեծաւ նըժոյգ իր ձին,
Դաշտը իջաւ արիւնի:

Ու քառսուն օր քառսուն գիշեր
Կըռիւ տըլին անդադար,
Ընկան քաջեր, անթիւ քաջեր,
Բերդի գըլխին հաւասար:

Իրան, Թուրան ողջ եկել են,
Թաթուլն անյաղթ, աննրկուն,
Զօրք ու բաբան խորտակել են,
Նըրա բերդը միշտ կանգուն:

Ու միշտ ուրախ, յաղթանակով
Իր ամրոցն է դառնում նա.
Սպասում է էնտեղ կինը,
Զահեղ կինը սեւաչեայ:

II

Էն տեսակ կին,
Ես իմ հոգին,
Թէ աշուղն էլ ունենար,
Առանց զէնքի,
Առանց զօրքի
Շահերի դէմ կը գընար:

Սիրոյ հընոց
Կրակ ու բոց
Էնպէս աչքեր թէ ժլպտան,
Մարդու համար
Օրւայ պէս վառ
Դիշերները լոյս կը տան:

Վարդի թերթեր
Էնպէս շուրթեր
Թէ յաղթութիւն քեզ մաղթեն,
Էլ քեզ ո՛չ Շահ
Ո՛չ ահ ու մահ,
Ոչ զէնք ու զօրք կը յաղթեն:

III

Ու կըռւի դաշտում Շահի առաջին
Արին մի անգամ գովքը սիրունի.
Նըրան՝ իր տեսքով, հասակով, ասին,
Զի հասնի չըքնաղ հուրին Իրանի:
Ծով են աչքերը Զաւախքի դըստեր
Ու կորչում է մարդ նորա հայեացքում,
Ճակատը ճերմակ էն ծիւնից էլ դեռ,
Որ բարձր Աբուլի գագաթին է ծածկում:
Նա է շունչ, հոգին իշխան Թաթուլի,
Նըրա սիրունն է հարբած էն հըսկան,
Նըրա ժպիտն է քաջին ուժ տալի,
Որ դաշտն է իջնում առիւծի նըման:
Թէ տիրես, մեծ Շահ, դու նըրա սըրտին,
Թաթուլն էլ անգօր կընկնի ոտիդ տակ:
Հանգիստ կը տիրես եւ Թըմուկ բերդին,
Որ չես կարենում էսքան ժամանակ:

IV

Էսպէս է ասել հընուց էտ մասին
Ֆարսի բիւլբիւլը, անմահ Ֆիրդուսին.
Ի՛նչը կը յաղթի կեանքում հերոսին,
Թէ չը լինին
Կինն ու գինին:

Արեւի նըման ճակատը պայծառ,
Նայում է խորոխտ, կանգնած ինչպէս սար.
Ո՛վ կանի նըրան գետնին հաւասար,
Թէ չը լինին
Կինն ու զինին:

Պարում է ասես կըռիւ զընալիս,
Գետնեքից վերեւ թըռչում, ման գալիս.
Ո՛վ ցած կը բերի նըրան թըռչելիս,
Թէ չը լինին
Կինն ու զինին:

Թէկուզ եւ արար աշխարհ գայ վըրան,
Կերթայ դէմ ու դէմ, տուր չի տալ իրան.
Ռուստէմ Ձալն էլ չի յաղթիլ նըրան,
Թէ չը լինին
Կինն ու զինին:

V

Ու զըրկեց Շահը իր թովիչ երգչին.
Գընա տես, առաւ, Թըմկայ տիրուհուն,
Երգի իմ սէրը նըրա առաջին,
Պատմի՛ իմ փառքը ու գանձը անհուն:
Խոստացի նրան իմ ոսկի գահը,
Խոստացի նրան ամեն, ամեն բան.
Ինչ որ կարող է խոստանալ Շահը,
Երկրակալ Շահը՝ իր սիրած կընկան:

Ուր ահեղ կըռուով չի մտնիլ արքան,
Դոնաղ է աշուղն իրեն սագի հետ.
Եւ ահա՛ մի օր ծեր, թափառական
Մի աղքատ աշուղ մըտաւ Թմկաբերդ:

VI

Գոռում են, դողում Թըմկայ ծորերը,
Կանգնած է Թաթուլ Շահի հանդիման.
Ջարկում են, զարկում դուշման զօրքերը,
Արիւնը հոսում էն Քըռի նման:

Ջարկում են, զարկում դուշման զօրքերը,
Արիւնը հոսում էն Քըռի նման.
Երգում է աշուղն իր Շահի սէրը,
Անհուն գանձերը ու փառքն անսահման...

Լըսում է մատաղ Թըմկայ տիրուհին.
Եւ վըրդովում են իր միտքը թագուն
Դաւաճան գործի ամօթը խորին
Եւ արքայական փառքն ու մեծութիւն...

Լըսում ես դու, սիրուն տիկին,
Այ նազանի աննըման.
Նայի Շահին, իրեն զօրքին,
Աշխարհքի տէրն անսահման...

Մեզ պէս տրկար մարդ է նա էլ
Սիրուններին միշտ գերի.
Քու ճակատին թագ է վայել,
Լինիս շըքեղ թագուհի...

Լըսում է չքնաղ Թըմկայ տիրուհին
Գիշեր ու ցերեկ, նորից ու նորից.
Ու դարձաւ նա լուռ, դալճէկ, մրտախոհ,
Ու քունը փախաւ սիրուն աչքերից...

VII

Դարձաւ իր կըռւից իշխան Թաթուլը,
Դարձաւ յաղթական իրեն զօրքի հետ,
Սըրբեց, պատեանը դըրաւ կեռ թուրը,
Ցընծութեան ծայնից դողաց Թըմկաբերդը:

Խընջողք է սարքել Թըմկայ տիրուհին,
Ցերեկ է արել խաւար զիշերը.
Հեղեղի նըման հոսում է գինին,
Է քէֆ է անում Ջաւախքի տէրը:

Պըտոյտ է գալի չքնաղ տիրուհին,
Անցնում է, հըսկում սեղաններն ամեն,
Յօրդորում, խընդրում, որ ուրախ լինին,
Որ լիքն ու առատ բաժակներ քամեն:

— Հապա լըցրէ՛ք, իմ քաջ հիւրեր,
Բաժակներըդ լիուլի,
Խըմենք— Աստուած կըտրուկ անի
Թուրը իմ քաջ Թաթուլի:

— Է՛յ, Տէր Աստուած կըտրուկ անի
Թուրը մեր քաջ իշխանի,
Նըրա շուքը միշտ հանապազ
Մեր գըրլիցը անպակաս:

Ու թընդում է Թըմուկ բերդը
Էն աղմուկից խընդութեան,
Որոտում են տաղն ու երգը
Գոռ ծայներով յաղթական:

— Էն մըթին ամպից արծիւն է իջնում,
Սարի արծիւը շեշտակի թափով:

— Էն Թըմկայ բերդից Թաթուլն է իջնում,
Թըշնամու հոգին լըցնում սարսափով:

— Էն Թըմկայ ծորում սեւ աճալն է գոռում:
Էն շա՛նթին է հայթում էնպէս ահարկու:
— Էն Թըմկայ ծորում Թաթուլն է կըռում,
Էն թուրն է շաջու էնպէս ահարկու:
Ի՛նչ սարի արծիւ կը հասնի քաջին,
Ի՛նչ Շահ կը կանգնի նըրա առաջին:

Ու չի դադարում երգի հետ վարար
Կախեթի գինին խելագար հոսել,
Խըմում են տիկնոջ թանգ կեանքի համար,
Որ էն ժայռերին ծաղիկ է բուսել:

Խըմում են կըռուող քաջերի փառքին,
Որ կըռւի դաշտում կեանք չեն խընայում,
Եւ ընկածների սուրբ յիշատակին,
Որ երկընքիցն են այժմ իրենց նայում...

Պըտոյտ է գալի ծաղիկ տիրուհին,
Անցնում է, հըսկում սեղաններն ամեն,
Յօրդորում, խընդրում, որ ուրախ լինին,
Որ լիքն ու առատ բաժակներ քամեն:

— Օ՜ք, տիրուհի, Աստուած վրկայ,
էլ չենք կարող մենք խըմել.
էլ ուժ չը կայ, էլ տեղ չը կայ,
Շատ ենք խըմել ու յոգնել...

Ու հանգչում է Թումուկ բերդը,
Պապանծում է ու մարում,
Հարբած, յոգնած տէրն ու զօրքը
Մըրափում են խաւարում:

VIII

Լուռ ու խաւարչտին կամարների տակ,
Յոգնած ու քնած բազմութեան վըրով
Թըռչում են, թըռչում, սեւ չարագուշակ
Երազներն ահեղ, անվերջ խըմբերով:

Երազ է տեսնում Թաթուլ իշխանը,
Որ վիշապ օձը եկել է ահա,
Եկել փաթաթել, իր բերդը պատել,
Գըլուխը դրել նտ պոչի վրա:

Ու բարձրացնում է հըրէշն ահուելի,
Իրեն գլուխը բարձրացնում է վեր,
Բարձրացնում մինչեւ բարձունքը բերդի,
Մինչեւ Թաթուլի պալատն ու տըներ:

Պառկած է իբրեւ Թաթուլ իշխանը
Նազելի կընոջ գըլուխն իր կըրծքին,
Ու իբր ասում է՝ վե՛ր կաց, իմ հրեշտակ,
Թո՛ղ, որ սպանեմ ես էդ հըրէշին:

էսպէս է ասում Թաթուլ իշխանը,
Ու զարհուրանքով տեսնում է յանկարծ,
Իրեն սիրելի կընոջ գըլխի տեղ
Օձի գըլուխն է կըրծքին ծանրացած...

IX

է՛յ, հըսկեցէ՛ք, ի՞նչ էք քընում,
Քաջ զինւորներ Թաթուլի.
Ո՞վ է, տեսէք, տանջւում մըթնում,
Քուն չի աչքին մօտ գալի:

Ձը լինի թէ յաղթահարւած,
Ճարը հատած թըշնամին
Դաւ է դընում մութն ու մեռած
Կէս զիշերւայ էս ժամին:

Վե՛ր կացէք, վե՛ր, ամբողջ գիշեր
Մարդ է գընում ու գալի.
Հէ՛յ, զարթնեցէ՛ք, առիւծ քաջեր,
Պահապաններ Թաթուլի:

Վե՛ր կացէք, վե՛ր, հարբեցրել է
Իր յաղթական հիւրերին,
Բաց է անում դուռն ու դարպաս
Ձեր դաւաճան տիրուհին:

Դա՛ւ... դա՛ւ... ելէ՛ք... կոչնա՛կ... պահ-
նա՛կ...

Ձէնք առէք շո՛ւտ... ձի հեծէ՛ք, ձի՛...
Ճըռընչում են, դըղըրդում են
Դարպասները երկաթի...

X

Բաց արաւ ցերեկն իր աչքը պայծառ
Աշխարհքի վըրա, Զաւախքի վըրա,
Աւերակ բերդին, սեւ ամպի նըման,
Ծուխն ու թըշնամին չորել են ահա:

Յաղթութեան փառքով ու զինով հարբած
Քընած են բերդի եւ զօրքերն եւ տէր,
Ու յաւիտեան էլ մընացին բընած,
Դաւին անտեղեակ, ցաւին անտարբեր:

Նըստած է Շահը. նըրա առաջին
Ահա իրիկւան քէֆի սեղանը.
Նայում է Շահը անտէր զահոյքին,
Մտքովն անցնում է աշխարհքի բանը:

Աշխարհքում հաստատ չըկայ ոչ մի բան,
Ու մի՛ հաւատալ երբեք ոչ մէկին.
Ո՛չ բախտի, փառքի, ո՛չ մեծ յաղթութեան,
Ո՛չ սիրած կնկայ տըւած բաժակին...

Ու լի դառնութեամբ հարցընում է նա
Դաւուկ, մարմարիոն թըմկայ տիրուհուն.
— Պատասխան տո՛ւր ինձ, մատնիչ սեւ-
աչեայ,
Միթէ թաթուը քաջ չէ՞ր ու սիրուն...

— Քաջ էր ու սիրուն քեզնից առաւել.
Մի բարձր ու ազնիւ տղամարդ էր նա.

Կնոջ մատնութեամբ ամրոց չէր առել,
Չէր եղել կեանքում երբեք խաբերայ...

Էսպէս տիկինը տըւաւ պատասխան.
Անհուն ցասումից մըռընչաց Շահը.
— Հէ՛յ, դահլիճ, գողաց զազանի նըման,
Դահիճը իսկոյն մըտաւ սրահը:

XI

Դահիճն եկաւ ոտից գըլուխ
Կարմիր հագած ու արիւն,
Ու դուրս տարան իր պալատից
Թըմկայ չըքնաղ տիրուհուն:

Տարան անտակ էն ժէռ քարից,
Որ կանգնած է մինչ էսօր,
Էն ահաւոր քարի ծէրից
Գըլտրեցին դէպի ձոր:

Գէլ ու աղէս եկան հանդից
Ազահ սիրտը լալիեցին,
Յին ու ագռաւ իջան ամպից,
Սեւ աչքերը հանեցին:

Անցաւ անտես ու աննըման
Էն սիրունը աշխարհից,
Ինչպէս ծաղիկն անցած գարնան,
Որ չի ծաղկիլ էլ նորից:

Անցար զալում էն մեծ արքան՝
 Իրան փառքով ու զօրքով,
 Անցաւ Թաթուլն էն յաղթական
 Ու իր քաջերն էն կարգով:

Ու նրանցից մենակ անմեռ
 էս զրոյցը հասաւ մեզ,
 Որ մեզանից յետոյ էլ դեռ
 Պէտք է խօսւի միշտ էսպէս:

XII

Հէ՛յ, պարոններ, ականջ արէք
 Թափառական աշուղին,
 Սիրուն տիկնայք, ջահել տըղերք,
 Լաւ ուշ դրէք իմ խաղին:

Ամենքս էսպէս հիւր ենք կեանքում
 Մեր ծնրնդեան փուչ օրից,
 Հերթով գալիս անց ենք կենում
 էս անցաւոր աշխարհից:

Անց ենք կենում... միայն անմահ
 Գործն է խօսւում լաւ ու վատ.
 Ա՛խ, երանի՝ ով մարդ կը գայ
 Ու մարդ կերթայ անարատ:



ՀՀ Ազգային գրադարան



NL0348094

32.250